

**2022 Rhif 917 (Cy. 200)**

## **TRAFFIG FFYRDD, CYMRU**

**Gorchymyn Cefnffordd yr A477  
(Sanclêr, Sir Gaerfyrddin i Ddoc  
Penfro, Sir Benfro) (Cyfyngiadau  
Cyflymder Dros Dro a Dim  
Goddiwedd) 2022**

*Gwnaed*

*25 Awst 2022*

*Yn dod i rym*

*5 Medi 2022*

Mae Gweinidogion Cymru, sef yr awdurdod traffig ar gyfer cefnffordd yr A477, wedi eu bodloni y dylid cyfyngu ar draffig a/neu ei wahardd ar ddarnau penodedig o'r gefnffordd oherwydd gwaith y bwriedir ei wneud ar y ffordd neu gerllaw iddi.

Mae Gweinidogion Cymru, felly, drwy arfer y pwerau a roddir iddynt gan adran 14(1), (4) a (7) o Ddeddf Rheoleiddio Traffig Ffyrdd 1984(1), yn gwneud y Gorchymyn hwn.

### **Enwi a chychwyn**

1. Enw'r Gorchymyn hwn yw Gorchymyn Cefnffordd yr A477 (Sanclêr, Sir Gaerfyrddin i Ddoc Penfro, Sir Benfro) (Cyfyngiadau Cyflymder Dros Dro a Dim Goddiwedd) 2022 a daw'r Gorchymyn hwn i rym ar 5 Medi 2022.

### **Dehongli**

2. Yn y Gorchymyn hwn —

ystyr “cerbyd esempt” (“*exempted vehicle*”) yw:

---

(1) 1984 p. 27; amnewidiwyd adran 14 gan adran 1(1) o Ddeddf Traffig Ffyrdd (Cyfyngiadau Dros Dro) 1991 (p. 26), ac Atodlen 1 iddi. Yn rhinwedd O.S. 1999/672, ac adran 162 o Ddeddf Llywodraeth Cymru 2006 (p. 32), a pharagraff 30 o Atodlen 11 iddi, mae'r swyddogaethau hyn yn arferadwy bellach gan Weinidogion Cymru o ran Cymru.

- (a) unrhyw gerbyd sy'n cael ei ddefnyddio at y dibenion a ddisgrifir yn adran 87 o Ddeddf Rheoleiddio Traffig Ffyrdd 1984(1); a
- (b) unrhyw gerbyd sy'n cael ei ddefnyddio at ddibenion y llynges, y fyddin neu'r llu awyr ac sy'n cael ei yrru gan berson sydd am y tro yn ddarostyngedig i orchmynion aelod o luoedd arfog y Goron, sy'n aelod o'r lluoedd arbennig—
  - (i) ac sydd wedi ei hyfforddi i yrru ar gyflymderau uchel ac sy'n gweithredu wrth ymateb, neu wrth ymarfer ymateb, i argyfwng diogelwch gwladol; neu
  - (ii) at ddiben hyfforddi person i yrru cerbydau ar gyflymderau uchel;

ystyr “cyfnod y gwaith” (“*works period*”) yw'r cyfnod sy'n dechrau am 00:01 o'r gloch ar 5 Medi 2022 ac sy'n dod i ben pan gaiff yr arwyddion traffig dros dro eu symud ymaith yn barhaol;

ystyr “y gefnffordd” (“*the trunk road*”) yw cefnffordd yr A477 Sanclêr i Ddoc Penfro;

ystyr “lluoedd arbennig” (“*special forces*”) yw'r unedau hynny o'r lluoedd arfog y mae Cyfarwyddwr y Lluoedd Arbennig yn gyfrifol am gynnal eu galluoedd neu sydd am y tro yn ddarostyngedig i reolaeth weithredol y Cyfarwyddwr hwnnw.

## Cyfyngiadau a gwaharddiad

3. Ni chaiff neb, yn ystod cyfnod y gwaith, yrru unrhyw gerbyd modur yn gyflymach na 40 milltir yr awr ar y darnau o'r gefnffordd a bennir yn Atodlen 1 i'r Gorchymyn hwn.

4. Ni chaiff neb, yn ystod cyfnod y gwaith, yrru unrhyw gerbyd modur yn gyflymach na 10 milltir yr awr ar y darnau o'r gefnffordd a bennir yn yr Atodlenni i'r Gorchymyn hwn.

5. Ni chaiff neb, yn ystod cyfnod y gwaith, ddefnyddio cerbyd na chaniatáu i gerbyd, ac eithrio cerbyd esempt, gael ei ddefnyddio yn y fath fodd fel ei fod yn goddiweddyd unrhyw gerbyd arall ar y darnau o'r gefnffordd a bennir yn yr Atodlenni i'r Gorchymyn hwn ar yr adegau hynny pan fo'r cyfyngiad a bennir yn erthygl 4 yn weithredol.

---

(1) Diwygiwyd adran 87 gan baragraff 55 o Atodlen 1 i Ddeddf y Gwasanaethau Tân ac Achub 2004 (p. 21), paragraff 42 o Atodlen 4 i Ddeddf Troseddu Cyfundrefnol Difrifol a'r Heddlu 2005 (p. 15), paragraff 29(2) o Atodlen 8 i Ddeddf Troseddu a'r Llysoedd 2013 (p. 22), ac adran 50(4) a (5) o Ddeddf Dadreoleiddio 2015 (p. 20).

## Cymhwyso

6.—(1) Ni fydd y cyfyngiadau a'r gwaharddiad yn erthyglau 3, 4 a 5 yn gymwys ond ar yr adegau hynny ac i'r graddau hynny y bydd arwyddion traffig yn eu dangos.

(2) Nid yw unrhyw derfyn cyflymder a osodir gan y Gorchymyn hwn yn gymwys i gerbyd esempt.

## Atal dros dro

7. Mae unrhyw ddarpariaethau statudol sy'n cyfyngu ar gyflymder cerbydau modur ar y darnau o'r gefnffordd a bennir yn yr Atodlenni i'r Gorchymyn hwn wedi eu hatal dros dro ar yr adegau hynny pan fo'r cyfyngiadau a bennir yn erthyglau 3 a 4 yn gymwys.

## Cyfnod para'r Gorchymyn hwn

8. Bydd y Gorchymyn hwn yn para am 18 mis ar y mwyaf.

Llofnodwyd ar ran y Dirprwy Weinidog Newid Hinsawdd, yn gweithredu o dan awdurdod y Gweinidog Newid Hinsawdd, un o Weinidogion Cymru.

Dyddiedig

25 Awst 2022

*Nicci Hunter*

Arweinydd y Tîm Busnes

Llywodraeth Cymru

## ATODLEN 1

### Terfyn cyflymder 40 mya neu 10 mya dros dro a dim goddiweddyd

Y darn o'r gefnffordd sy'n ymestyn o bwynt 93 o fetrau i'r de-orllewin o ganolbwynt ei chyffordd â'r ffordd sy'n arwain i Face hyd at bwynt 394 o fetrau i'r dwyrain o ganolbwynt ei chyffordd â ffordd yr C3045 i Amroth.

Y darn o'r gefnffordd sy'n ymestyn o bwynt 441 o fetrau i'r gorllewin o ganolbwynt ei chyffordd â ffordd yr C3045 i Amroth hyd at bwynt 268 o fetrau i'r gogledd-ddwyrain o'i chyffordd â'r B4586 i Broadmoor, gan gynnwys system gylchu Cylchfan Cilgeti.

Y darn o'r gefnffordd sy'n ymestyn o bwynt 288 o fetrau i'r de-orllewin o'i chyffordd â'r B4586 i

Broadmoor hyd at bwynt 290 o fetrau i'r dwyrain o ganolbwynt ei chyffordd â'r ffordd ddiddosbarth o'r enw Stephens Green Lane, Milton, gan gynnwys systemau cylchu Cylchfannau Sageston a Chaeriw.

Y darn o'r gefnffordd sy'n ymestyn o bwynt 360 o fetrau i'r gorllewin o ganolbwynt ei chyffordd â'r ffordd ddiddosbarth o'r enw Stephens Green Lane, Milton, hyd at bwynt 726 o fetrau i'r de-ddwyrain o ganolbwynt ei chyffordd ag Eastern Avenue, Doc Penfro.

## **ATODLEN 2**

### **Terfyn cyflymder 10 mya dros dro a dim goddiwedd**

Y darn o'r gefnffordd sy'n ymestyn o'i chyffordd ag ochr dde-orllewinol Cylchfan Sanclêr hyd at bwynt 93 o fetrau i'r de-orllewin o ganolbwynt ei chyffordd â'r ffordd sy'n arwain i Face, gan gynnwys system gylchu Cylchfan Sanclêr.

Y darn o'r gefnffordd sy'n ymestyn o bwynt 394 o fetrau i'r dwyrain o ganolbwynt ei chyffordd â ffordd yr C3045 i Amroth hyd at bwynt 441 o fetrau i'r gorllewin o ganolbwynt y gyffordd honno.

Y darn o'r gefnffordd sy'n ymestyn o bwynt 268 o fetrau i'r gogledd-ddwyrain o ganolbwynt ei chyffordd â'r B4586 i Broadmoor hyd at bwynt 288 o fetrau i'r de-orllewin o ganolbwynt y gyffordd honno.

Y darn o'r gefnffordd sy'n ymestyn o bwynt 290 o fetrau i'r dwyrain o ganolbwynt ei chyffordd â'r ffordd ddiddosbarth o'r enw Stephens Green Lane, Milton hyd at bwynt 360 o fetrau i'r gorllewin o'r gyffordd honno.

Y darn o'r gefnffordd sy'n ymestyn o bwynt 726 o fetrau i'r de-ddwyrain o ganolbwynt ei chyffordd ag Eastern Avenue, Doc Penfro, hyd at ei chyffordd â Chylchfan Waterloo, Doc Penfro, gan gynnwys system gylchu'r gylchfan honno.